

元代史書三編



元代史書 三卷

元
代
史料
叢刊
初編

黃山書社

續弘簡錄元史類編卷之二十二

皇清詹事府少詹事仁和邵遠平戒山學

侍從二

王惲 閻復 王構 程文海 唐仁祖 王利用

劉廣 祖肅 楊師文 袁桷 王約 劉敏中 尙野

李術魯 子遠 曹元用 陳顥 張起巖 宋本 弟裝

謝端 變 兄回 李好文 附 歸陽

王惲字仲謀衛州汲縣人父天鐸以律學中選仕金爲戶部主事惲少好學與東魯王博文渤海王旭齊名史天澤將兵過衛一見接以賓禮世祖中統元年左丞姚樞宣撫東平辟爲詳議官時省部初建令諸路各上儒吏之能理財者惲以選至京上其論時政授中書省詳定官轉翰林修撰同知制誥

元史類編

卷之二十二

一 玉堂嘉話云其宣詞

日行已無希博學能文顧超絕之進才足備張於偉竒宜司翰
命以贊皇猷中宣事記云初高麗國相有書致寒暄於府
欲命惲爲答書惲曰境外之交非人臣所宜此范尋衆中書省
文王書於元吳差得罪於裕陵也可不戒哉遂止
左右司都事治錢穀議典禮考制度咸究所長同僚服之至元
五年建御史臺首拜監察御史論列凡百五十餘事烏臺筆補云在臺先
三十有二月得臺綱書時都水劉景交結權勢沒官糧四十餘
萬石惲暴其姦利且言景監修太廟畢功特轉官錫賞今纔數
年梁柱摧朽事涉不敬宜論如法權貴不能容出爲平陽路判
官十四年除翰林待制太子真金在東宮惲進承華事略其日
曰廣孝立愛端本進學擇術謹習聽政達聰撫軍崇儒親賢去
邪納諍幾諫從諫推恩尙儉戒逸明分審官凡二十篇太子覽
之喜令諸皇孫傳觀稱其弘益良多十九年改山東按察副使
武馬集載建白驗年移疾歸二十二年召爲左司郎中時右丞
更民三十五事

處世榮方枘用屢起不赴或問其故憚曰力小任大剝衆利已
未聞能全者遠之尙恐見晚况可近乎二十六年擢閩海道按
察使奏言福建所轄郡縣連山距海實爲邊徼重地而民情輕
詭山平定以來官吏貪殘故山鬼往往嘯聚愚民因而蟻附及
官兵致討復蹂踐之甚非朝廷一視同仁之意行省官僚宜特
選清望素著者使鎮靜之庶幾治效可期盜風可息會入覲見
帝於柳林上萬言書陳時政授翰林學士成宗卽位獻守成事
鑑曰頒憲章以一政體定制虔以抑奢脩節浮費以豐財用重
名器以攬威權置廉司以勵廉官嚴保舉以覈名實設科舉以
收人材試吏員以清政務恤軍民以固邦本復常平以廣蓄積
興屯田以省遠餉感和氣以消水旱崇教化以厚風俗減行院
以一調遣絕文貢以示曠度凡一十五篇奉敕纂修世祖實錄

卷二十二

元貞五年

二

度土建訓六卷元貞五年乞致仕卒封太原郡公諡文定其著述有田鑑五十卷汲郡志十五卷承華事略中堂事記烏臺筆記入室新語并秋澗集合一百卷會孫遜志見忠節傳

白口坎酌藝林泳游書圖上格君心語爲時補萬言百篇不厭畧縷

白度字子靖其先平陽和州人父忠避兵高唐州遂家焉復始有石尚光照室及長性簡重美丰儀弱冠入東平學時嚴質領東平行臺將諸生肄業清元好問校之入選者四人復爲首徐璠李讓孟祺次焉初掌行臺書記至元八年用王磐薦爲翰林應奉充會同館副使兼接伴使扈駕上京賦應制詩二篇寓規諷意世祖顧之喜曰有才如此何可不用十四年由僉河北道事尋召還遷翰林直學士以州郡校官多不職建議定銓選法

帝屢命至榻前面授詔旨每具草進悉曲當上意會立尙書省
帝急於擇相召復入便殿問曰朕欲命卿執政何如復謝不足
勝任帝謂侍臣曰書生識義理存謙讓是也勿強先是桑哥當
國復嘗被命撰輯政學文及敗詔有司踏其碑復坐是免官成
宗立以舊臣入朝除集賢學士上疏言京師宜首建宣聖廟學
定釋奠雅樂曲阜林廟戶不宜聽有司併入民籍其後賜孔林
罷掃二十八戶祀田五千畝皆復之請也通考云奉詔大德三
年曲阜廟碑
年彗星見又上疏言定律令頒封贈增俸給通調內外官且曰
古者刑不上大夫今郡守之貴以徵租受杖非所以厲廉隅江
南公田租太重宜減以貸貧民亦多采用一日帝召問曰中書
庶務繁重左相難其人卿爲朕舉所知復以哈剌哈孫對帝大
喜卽命入相復亦拜翰林學士承旨武宗踐祚復首陳三事曰

惜名器明賞罰擇人材詞皆剴切遙授平章政事力辭不許未
幾乞骸骨詔給半俸終養卒年七十七諡文康有靖軒集五十
卷傳于世

王構字肯堂東平人父公淵遭金亂其兄三人挈家南奔公淵
獨誓死守墳墓伏草莽中諸兄呼之不出號慟去卒得存其塚
而兄輩竟不知所終構少穎悟弱冠以詞賦中選爲東平行臺
掌書記參政賈格真一見器重俾其子受學焉至元十一年授
國史院編修官丞相伯顏將南伐命先下詔讓宋構屬詔草進
世祖大說宋亡構與李榮同被旨詣臨安收三館圖籍并太常
大章禮器儀仗歸大都還應奉翰林文字歷吏禮二部郎中治
事無缺綏同列見構署字不復視成廢以行慮因河南多所平
又改太常少卿考輯因革定親享太廟儀注擬治書侍御史屬

桑哥爲相俾與平章不忽木檢覈燕南錢穀兼督通負以十一
月晦行期歲終復命明年春還宿盧溝驛度逾期禍且不測謂
不忽木曰設有罪構當身任弗以累公也會桑哥誅乃免成宗
嗣立由侍講爲學士纂修實錄成命叅議中書省事有上書陳
利便請搜括江南田賦者執政欲從之構與平章何榮祖共執
不可得不行武宗卽位以纂修國史拜翰林學士承旨未幾疾
卒袁桷墓誌云所構歷事三朝練習臺閣典故凡祖宗諡冊冊
大司徒說文書文書構歷事三朝練習臺閣典故凡祖宗諡冊冊
文皆所議定朝廷有大議必咨訪焉喜薦引寒士前後省臺翰
苑所辟無慮數十人後居清要皆有名於時子士熙士熙皆以
文學世其家仕至察院書史會要云士熙書法清潤
完整士熙善大字亦能篆
程文海字鉅夫後避武宗諱以字行更號雪樓其先自休寧徙
鄧之京山叔父飛卿仕宋通判建昌世祖時以城降鉅夫甫弱

冠入爲貨子授管軍千戶遂家焉至元十七年召見條對朗徹
命給寶劄立書二十餘紙以進帝奇之問今居何官曰千戶帝
謂侍臣曰朕觀此人貌應貴顯聽其言論尤明敏有識者授應
奉翰林文字且曰自今政事得失朝臣邪正宜皆爲朕直言鉅
夫頓首謝曰臣本疏遠之身得蒙知遇敢不竭力以報尋進修
撰累遷集賢直學士兼秘書少監奏言國朝建御史臺雖有考
議之目而未得其要莫可致詰乞照前朝體例應諸道府州司
縣下至曹掾等各給出身印紙曆子一卷書本人姓名出身於
其前俾各處長吏聯銜結保書具在任月日功過於後扶滿有
司詳覩而差其殿最則人之賢否一覽而知考核得實庶無僂
倖又奏請通南北選法置貪贓籍給江南官吏俸朝廷多見施
行賜地安貞門以築居室加翰林集賢學士同領會同館事首

陳興建國學畧曰臣聞家國天下必需才以爲用而人才之盛
全在教育之勤自中統建元以來中外臣僚表表偉傑者皆自
往時故老宿儒薰陶浸灌而然邇來寥寥無幾何矣而主國論
者視學校爲不急謂詩書爲無用不知人才盛衰張本於此望
陛下明詔有司重學校之事慎師儒之選京師首善之地尤當
興建國學選一時名流爲國人矜式外而各都大邑教官有缺
必使延臣擇可爲人表儀者條具奏聞視教化之興廢爲考第
之殿最其諸生有經明行修者蠲免賦役庶他日隨取隨足無
倚事之才之患又言省院諸司皆叅用南人惟御史臺按察使
不用江南風俗南人所諳不宜過於區別前後疏語俱
出名臣奏議帝命爲
御史中丞臺臣言鉅夫南人且年少帝怒曰汝未用南人何以
知南人不可用自今省部臺院必兼用南人詔鉅夫仍集賢直
學士賈弘甫

學士兼侍御史行御史臺事訪求江南人材鉅夫入奏曰陛下
遣使江南丁寧之曰求好人夫所謂好人者大而可用於時細
而可驗於事蓋無所不該矣今出使者皆昧淺不達聖見止以
士相符藥工伎爲好人之尤此何謂也帝素聞趙孟頫葉李名
臨行密諭必致此二人來鉅夫又薦趙孟頫余悉萬一鶚張伯
淳胡公弼宋瑄顏孔沐曾冲子凌時中包鑄等二十餘人帝皆
置諸臺憲及文學之職宋史新編云文海嘗荐宋臣二當桑哥
專政法令苛急鉅夫入朝上疏曰臣聞天子之職莫大於擇相
宰相之職莫大於進賢苟不以進賢爲急而惟以殖貨爲心非
爲上爲德爲下爲民之意今權姦用事立尙書省鈎考錢穀以
剝割生民爲務所委任者率皆貪婪遠利之人江南盜賊竊發
良以此也臣竊以爲宜清尙書之政損行省之權罷言利之官

行恤民之事於國爲便桑哥怒留京師不遣奏請殺之者六皆不允仍還行臺已改閩海道廉訪使上言比年初盜殺人者所在多有一經告發巡尉吏卒名爲體覆而被盜之家并其鄰右先已賂然及付有司則主吏教以轉扳平民坐展歲月幸而或罪不過杖一百七而枝蔓逮捕平人之死於獄者反十四五况劫盜幸免必圖報復而告發之家無遺種矣被劫者誰敢告發盜勢日張其禍有不可勝言者夫諸藏兵器者論死况以兵器行劫而罪止於杖此何理也今後強盜持軍器劫人財物應照藏兵器論罪郡府以便宜從事並免待報庶使凶人警畏平民安帖其於治勢實非小補成宗大德八年召拜翰林學士會星變應詔陳弭災五策曰敬天尊祖清心持體更化帝稱善武宗至大初預修成宗實錄三年復拜山南江北道廉訪使召赴

關賜對便殿召爲翰林學士承旨皇慶改元預修武宗實錄時
亢旱應詔陳桑林六事忤時宰意仁宗遣近侍勞之曰中書集
議惟卿所言甚當後臨事其極言無忌於是詔鉅夫偕平章李
孟參知政事計師儆議行科舉法鉅夫力言經學當主程本傳
註文章宜革唐宋宿弊帝命草詔頒行以病乞骸骨給驛南還
家於五年而卒年七十餘泰定二年追封楚國公諡文憲音史會要
元史卷一百一十五
制曰士不求知惟君求士裁路于旌盈門文幣在野罔遺
拔茅以彙上有好賢實自隗始

唐仁祖字清卿畏兀人祖曰唐古直年十七給事太祖屬之皇
子拖雷曰唐古直可任大事未及用而歿于孫因以唐爲氏仁
祖少穎悟尤達音律中統初爲宣慰使爲質世祖親聞之見仁

祖曰是唐古直孫邪聰明無疑也俾習國字至元中授翰林直學士歷叅議尙書省事時桑哥秉政威方熾仁祖論議不回屢忤其意改工部尙書欲以曹務煩劇重困之尋出使雲中桑哥考工部織課稍緩怒曰誤國家歲用亟遣騎追還督工且促其期曰違期必致於法仁祖退召諸署長從容語曰丞相怒在我不在爾輩幸各自勉力衆咸奮晝夜加功期未及而織已辦既而桑哥繫獄命仁祖往籍其家明日以左右之援復釋衆皆駭曰仁祖曰怒虎之威可再犯邪悉踰垣以寘仁祖不爲動及桑哥敗遷翰林學士承旨遼陽饑偕左丞相忻都往賑忻都欲如戶口大小分給仁祖曰不可昔籍之小口今已長矣可盡以大口給之忻都曰若要善名而陷我於惡邪仁祖笑曰吾二人善惡衆已灼知豈至是而始要名哉成宗卽位尊大母元妃爲皇太

卷二十二

七

七

七

后以仁祖善書特勅書冊文復奉詔督工織絲像世祖御容越三年告成大德五年再授翰林學士承旨知制誥兼修國史卒封沂國公諡文貞

王利用字國賓通州潞縣人幼穎悟弱冠與魏初同學並齊名中書省辟爲掾辭不就世祖卽位擢翰林待制兼與文署奉旨程試上都能與等路儒士選立學士與耶律鐸同修實錄出爲軍東司馬按察使有婦毒殺其夫者問藥所從來吏教婦指富商所貨利用曰家富而貨毒藥豈人情哉訊之果寃白未幾致仕居漢中成宗初起爲太子賓客疏上十七事曰謹畏天戒取法祖宗孝事母后敬奉至尊撫愛百姓敦本抑末清心聽政寡欲養身酒宜節飲財宜節用有功必賞有罪必罰杜絕讒言求納直諫官職量材而授工役相時而動俾近侍之人時赴經筵

講讀經史帝及皇太子皆嘉納皇后聞之命錄別本以進每自
言平生於恕字有得廉希憲當時名相慎許可嘗語人曰方今
文章政事兼備者王國賓其人也卒封潞國公諡文貞

劉辰字熙載威州洛水人祖肅金詞賦進士爲新蔡令有循聲

至亡侯東平嚴實辟左司員外郎東平歲賦絲銀復輸綿十萬

兩色絹萬匹民不能堪肅請於寶奏罷之商挺墓碑云漕渠決
河間散水口役夫萬

人主役者且築且穴無已時肅自嚴
實數其役不時塞言于朝節減其役世祖居潛邸以肅爲邢州

安撫使至則興鐵冶以足國用造楮幣以通民貨公私賴焉中

統初擢真定宣撫使時新鈔行銀鈔不用民器然莫知所措肅

建三策一曰仍舊鈔二曰新舊兼用三曰官以新鈔如數易舊

鈔中書從其第三策遷右三部尙書嘗集諸家易說名曰讀易

備忘以年老致仕卒諡文憲廣幼有文名至元十三年以薦授